

# Tramonde tarandine

L'ha mann't Administrator  
 martedì 14 marzo 2006  
 Ultimo aggiornamento mercoledì 15 marzo 2006

Ancora una volta, sul Purtuso, Alice ci ha offerto l'opportunità di apprezzare l'aulica prosa di Aleng Along. E' un canto di sirena per i tarantini lontani&hellip;TN il vento che ne rimanda l'eco&hellip;

Cume glòbbe 'nfucáte  
 jè 'u sole ca stè' scènne  
 e se stè' 'ccòcchi'e vváse a 'u Mare Grànne;  
 cu' le ràgge 'nduráte  
 ch'attúrne vè' spannènne,

pare ca Tàrde tott'a vè' pettànne.  
 E Jèdde, cundignóse,  
 se culle suse a ll'ògne a cume 'na vezzose  
 e ppo' s'assònne.

Véde le piscatùre,  
 cu' ll'uècchie scarazzáte,  
 ca 'mbrà ttànda culùre,  
 stànche e fadiate  
 hògne turnate.

Mére l'isele ardite,  
 a SSànde dedecate,  
 'na véla viànghe se vè' avvicenànne;  
 da réte a SSànde Vite  
 'na Nave ha returnate

da 'na longa cruciére, a CChidde Vànne.  
 E Tàrende, ch'aspètte  
 a Chidde Marenáre  
 mettènnese 'u russète  
 pe' le 'ngandáre,

páre ca se stè' 'bbrázze  
 cu' 'u Mare profumáte  
 piccè da chidde vrázze  
 jè circundáte  
 da ogne llate.

Jè ssére e ggìa stè' ccale  
 'nu vindezzule dóce  
 ca t'accarezze e a tutte vè' purtànne,  
 partènne da' 'u Canále,  
 quidde « Salùte a' vóce »

ca le do' Marenare stònne a ffànne,  
 fa ca mo' vo' ccu ddice  
 a tutte:&mdash;Vu' penzáte  
 a rumanére amice,

no' v'arrajáte.  
 je ttànda corte 'a vite;  
 'u sole ha da turnáre  
 ma vùje 'u stè' ssapite  
 ca de cambáre  
 s'ha ddà spicciáre!&mdash;

Aleng Along